



UNIVERSITÄTS-
BIBLIOTHEK
PADERBORN

Fasti Mariani

Brunner, Andreas

Antverpiæ, M.D.C XXX III.

S. Frvctvosvs E. M. 21. Ianuarii.

[urn:nbn:de:hbz:466:1-70962](https://nbn-resolving.org/urn:nbn:de:hbz:466:1-70962)

ros, & praco futurus. Ibi Martyr à flagris, flammis, ferisque innoxius, nocenti tandem carnificis ferro cecidit, monuitque non mentiri poetas, qui ex Olympo ad cælos esse aditum canunt.
Ex Martyrologio Rom. & Menais Græcis.

S. FRVCTVOSVS E. M.

21. Ianuarii.

IBant ab Æmiliano Præsidi missi lictores, qui FRVCTVOSVM Tarracensis Episcopum in vincula abriperent. Non fugit hic, sed bonum se pastorem probaturus obviam etiam ivit lupis. In carcere verò constitutus signum scilicet exspectavit, quo currere ad immortalitatem juberetur. Iamque feria VLaderat, quâ Christus ipse martyribus mappam misit, cum FRVCTVOSVS duobus stipatus comitibus ad rogam cucurrit. Ex itinere oblatum à piis haustum Christi exemplo respuit, jejunii sui etiam in morte tenax. Nudis pedibus flammis tamen insultavit, atque inde veluti pro rostris Christianos est adhortatus, oculos in æternitatem defigerent, non cruciatus breves. Iam vincula flammis soluta manus solverant, cum FRVCTVOSVS, explicatis in crucem brachiis, cælum spectare, cælum precibus pulsare. Et ecce panditur hoc, & Martyres (spectantibus triumphum impiis) inter flammarum globos, ad
 cælum

cælum evolarunt, coronis omnes insignes, indeque rident admotas nequicquam à iudice machinas. Tam illustrem itaque rogum non aquâ sed mero diluendum duxerunt Christiani; sed distinguere laborantibus sacra ossa, è cælo FRUCTVOSVS adfuit, vetuitque terris disjungi, quos cælum junxisset. *Ex Surio.*

S. MENRADVS MART.

21. Ianuarii.

Vit MENRADVS Suevici sanguinis Comes. Tirocinium melioris militiae in Asceterio (Augiam Divitè dixere) posuit. Mox ex tirone miles, ex milite Dux castra in Eremum movit, semper inclitus victoriis ab orco reportatis; qui tam densâ quandoque acie castram oppugnavit militis nostri, ut suam diei cum sole lucem eriperet: sed solvit oppugnationem unicus bonus genius Custos MENRADO datus, qui cum aliàs sapè, tum precanti imprimis visendus adfuit. Ira vitam solam agenti in annum XXVI. latrones gemini supervenerunt, quos ipse, quamvis cogitati facinoris minime ignarus, benigne & accepit & habuit. At illi secundum sacrificium & preces, hospitem suum necant ingratisissimi, & ponè caput cereum, uti vivus petierat, statuunt. Is suapte vi accensus, & jam decrescens,

D 3

cum